



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

8 JANUARI 2022 (SABTU)



KEMENTERIAN PERDAGANGAN DALAM NEGERI
DAN HAL EHRNAL PENGGUNA

KERATAN AKHBAR DAN MEDIA ONLINE (KPDNHEP)

8 JANUARI 2022 (SABTU)

Harga ayam bakal naik, rakyat diminta faham

Oleh **DIYANATUL
ATIQA ZAKARYA**
utusannews@mediamula.com.my

JASIN: Rakyat diminta bersedia dan perlu memahami dengan kenaikan semula harga ayam melebihi RM9.10 sekilogram selepas Skim Harga Maksimum Keluarga Malaysia (SHMKM) berakhir pada 4 Februari ini.

Menteri Perdagangan Dalam Negeri dan Hal Ehwal Pengguna (KPDNHEP), Datuk Seri Alexander Nanta Linggi berkata, harga siling ayam segar dijangka dirombak semula dalam usaha memastikan sektor penternakan dapat mengeluarkan jumlah bekalan seimbang.

Menurut beliau, kadar siling terkini diwartakan didapati menyukarkan penternak mengeluarkan bekalan susulan kos operasi meningkat terutama membabitkan pembelian dedak dari luar negara.

"Semalam (kelmarin) dalam sesi libat urus, kita berbincang dengan persatuan penternak dan mereka mengeluh kos operasi ternakan meningkat disebabkan pengimportan dedak ayam."

"Susulan itu kita akan mempertimbangkan semula harga siling ayam segar diwartakan sebelum ini iaitu RM9.10 sekilogram untuk mewujudkan situasi menang-menang kepada pengguna dan pembeli,"



ALEXANDER Nanta Linggi bercakap mengenai harga ayam yang bakal naik selepas membuat lawatan mangsa banjir di Sungai Rambai, Jasin semalam. - UTUSAN/DIYANATUL ATIQA ZAKARYA

kata beliau selepas melawat mangsa banjir di pusat pemindahan sementara (PPS) Sekolah Menengah Kebangsaan (SMK) Sungai Rambai di sini semalam.

Menurut beliau, pihaknya meminta rakyat bersedia dan memahami situasi tersebut dalam usaha kement-

rian mencari mekanisme terbaik mengimbangi harga serta jumlah bekalan diperlukan negara.

"Kita juga berbincang dengan Kementerian Pertanian dan Industri Makanan (MAFI), Agrobank dan Kementerian Kewangan untuk membantu penternak ini mengurangkan

bebanan kos operasi.

"Kerajaan sebelum ini juga telah memberi kebenaran untuk MAFI mengimport ayam bulat sejuk beku (sebanyak 5.5 juta ekor sebulan) bagi membantu menampung kekurangan bekalan, namun setakat ini bekalan itu belum masuk," kata beliau.



'Cari cara tangani kenaikan harga'

Skim Harga Maksimum Keluarga Malaysia tamat 4 Februari ini

Oleh Amir Mamat
bhnews@bh.com.my

Jasin: Harga ayam dan telur dijangka naik selepas Skim Harga Maksimum Keluarga Malaysia (SHMKM) yang dilaksanakan untuk menstabilkan harga barangan keperluan asas, tamat 4 Februari ini, namun kerajaan akan mencari mekanisme bagi menanganinya demi kepentingan semua pihak.

Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Ling-

gi, berkata langkah terbabit terpaksa diambil sebagai mengimbangi situasi 'menang-menang' antara kumpulan pengguna dan penternak di negara ini.

Beliau berkata, kementeriannya masih meneliti dan mengkaji kenaikan harga barangan berkenaan, yang diputuskan menerusi sesi libat urus bersama Kementerian Kewangan serta Kementerian Pertanian dan Industri Makanan (MAFI), di Putrajaya, kelmarin.

"Dalam perbincangan semalam (kelmarin), ada persatuan penternak mengeluh mengenai harga ternakan dan kos operasi yang dikatakan meningkat, termasuk kos pengimportan dedak ayam.

"Ketika ini, harga runcit maksimum ayam bulat adalah RM9.10 sekilogram dan ia dikatakan masih rendah. Kita masih mempertimbangkan keputusan untuk menaikkan harga ayam bagi menjaga nasib pengguna dan peniaga," katanya.

Beliau berkata demikian selepas melawat dan menyampaikan sumbangan kepada mangsa banjir di pusat pemindahan sementara (PPS) Sekolah Menengah Kebangsaan (SMK) Sungai Rambai, di sini semalam.

Yang turut hadir, Ahli Dewan Undangan Negeri (ADUN) Sungai Rambai, Siti Faizah Abd Aziz; Ke-

tua Setiausaha Kementerian Perdagangan Dalam Negeri dan Hal Ehwal Pengguna (KPDNHEP), Datuk Seri Hasnol Zam Zam dan Pengarah KPDNHEP negeri, Norrena Jaafar.

SHMKM yang diperkenalkan pada 7 Disember lalu membabitkan 12 jenis barangan, daripada kategori ayam, telur ayam dan

sayur, yang ditentukan sebagai barangan harga terkawal.

Mengulas lanjut, Alexander berharap pengguna dapat bersedia dengan kemungkinan kenaikan harga berkenaan dan memahami situasi semasa yang sedang melanda negara ketika ini.

Beliau berkata, KPDNHEP akan sentiasa mencari mekanisme terbaik untuk menjaga kepentingan pengguna, peniaga dan penternak.

"Saya harap pengguna faham sebab masalah ini kompleks, bukan semudah kita mahu harga yang terlalu murah tetapi penternak tiada pengeluaran yang akhirnya kita tiada bekalan.

"Bagaimanapun, keputusan kenaikan harga yang dicapai dalam sesi libat urus itu bergantung kepada pelaksanaan beberapa strategi lain, termasuk mengimport ayam dari luar negara, sekali gus dapat menstabilkan harga ayam," katanya.

Ketika ini, harga runcit maksimum ayam bulat adalah RM9.10 sekilogram dan ia dikatakan masih rendah. Kita masih mempertimbangkan keputusan untuk menaikkan harga ayam bagi menjaga nasib pengguna dan peniaga

Alexander Nanta Linggi,
Menteri Perdagangan Dalam
Negeri dan Hal Ehwal Pengguna





HARGA ayam segar dijangka naik semula selepas Skim Harga Maksimum Keluarga Malaysia berakhir pada 4 Februari ini.

KPDNHEP cari jalan bantu penternak, pengguna

Harga ayam dijangka melonjak bulan depan

Oleh DIYANATUL ATIQA
ZAKARYA

JASIN – Rakyat diminta supaya bersedia dengan kenaikan semula harga ayam melebihi RM9.10 sekilogram selepas Skim Harga Maksimum Keluarga Malaysia (SHMKM) tamat pada 4 Februari ini.

Menteri Perdagangan Dalam Negeri dan Hal Ehwal Pengguna (KPDNHEP), Datuk Seri Alexander Nanta Linggi berkata, harga siling barangan segar itu dijangka dirombak semula dalam usaha memastikan sektor penternakan dapat mengeluarkan jumlah bekalan yang seimbang.

Menurut beliau, harga siling terkini yang diwartakan iaitu RM9.10 sekilogram menyukarkan para penternak mengeluarkan bekalan diperlukan susulan kos operasi yang mengalami peningkatan terutama dedak dari luar negara.

"Semalam (kelmarin) dalam sesi libat urus, kita telah berbincang dengan persatuan penternak dan mereka mengeluh harga ternakan dan kos operasi meningkat disebabkan pengim-



ALEXANDER

menang kepada pengguna dan pembeli," katanya.

Beliau berkata demikian pada sidang akhbar selepas melawat mangsa banjir di Pusat Pemindahan Sementara Sekolah Menengah Kebangsaan Sungai Rambai di sini semalam. Turut hadir Pengarah KPDNHEP Melaka, Norena Jaafar.

Sehubungan itu, Alexander merayu rakyat supaya memahami situasi tersebut dalam

Pertanian dan Industri Makanan (MAFI), Agrobank dan Kementerian Kewangan untuk membantu penternak dalam mengurangkan beban kos operasi.

"Kerajaan sebelum ini juga telah memberi kebenaran untuk MAFI untuk mengimport ayam sejuk beku sebanyak 5.5 juta ekor sebulan dalam usaha membantu menampung kekurangan bekalan, namun setakat ini bekalan tersebut masih belum diterima," katanya.

Alexander menjelaskan, sekiranya bekalan ayam sejuk beku itu mula memasuki pasaran, pihaknya menjangkakan berlaku persaingan antara penternak, sekali gus kenaikan harga ayam tidak perlu dilakukan.

Kosmo! sebelum ini melaporkan SHMKM bagi 12 jenis barangan yang berakhir 31 Disember lalu dilanjutkan sehingga 4 Februari depan.

Keputusan itu dibuat berdasarkan maklum balas yang diterima dan langkah bertenangan untuk menstabilkan harga barangan selain memastikan keberadaan bekalan.

Terdapat empat jenis bara-

HARGA AYAM DIJANGKA NAIK

Oleh Amir Mamat
am@hmetro.com.my

Jasin

Harga ayam dan telur di pasaran tempatan dijangka meningkat selepas tamat Skim Harga Maksimum Keluarga Malaysia (SHMKM), 4 Februari ini.

Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Linggi berkata, langkah terbabit terpaksa diambil sebagai mengimbangi situasi 'menang-menang' antara kumpulan pengguna dan penternak di negara ini.

Beliau berkata, kementeriannya masih meneliti dan mengkaji kenaikan harga barangan berkenaan yang diputuskan menerusi sesi libat urus bersama Kementerian Kewangan dan Kementerian Pertanian dan Industri Makanan (Mafi) di

Putrajaya, kelmarin.

"Dalam perbincangan semalam (kelmarin), ada persatuan penternak mengeluh mengenai harga ternakan dan kos operasi yang dikatakan meningkat termasuk kos pengimportan dedak ayam," katanya.

Ketika ini harga runcit maksimum ayam bulat adalah RM9.10 sekilogram dan ia dikatakan masih rendah, justeru, pihaknya masih mempertimbangkan keputusan untuk menaikkan harga ayam bagi menjaga nasib pengguna dan peniaga, katanya selepas melawat dan menyampaikan sumbangan kepada mangsa banjir di Pusat Penempatan Sementara (PPS) Sekolah Menengah Kebangsaan (SMK) Sungai Rambai di sini, semalam.

Hadir sama, Ahli Dewan Un-

dangan Negeri (Adun) Sungai Rambai, Siti Faizah Abd Aziz; Ketua Setiausaha Kementerian Perdagangan Dalam Negeri dan Hal Ehwal Pengguna (KPDNHEP), Datuk Seri Hasnol Zam Zam dan Pengarah KPDNHEP negeri, Norena Jaafar.

Justeru, Alexander berkata, pengguna diharap dapat bersedia kemungkinan kenaikan harga berkenaan selain memahami situasi semasa yang sedang melanda negara ketika ini.

Mengulas lanjut, beliau berkata, KPDNHEP akan sentiasa mencari mekanisme terbaik untuk menjaga kepentingan golongan pengguna, peniaga dan penternak.

"Saya harap pengguna faham sebab masalah ini kompleks, (kalau) kita mahu harga yang terlalu murah teta-



SITI Faizah menerima sumbangan berupa water jet dan set generator daripada Alexander (empat dari kanan) untuk diberikan kepada ketua kampung bagi kegunaan pembersihan rumah di Pusat Penempatan Sementara SMK Sungai Rambai, Melaka. - Gambar NSTP/SYAFEEQ AHMAD

pi penternak tiada pengeluaran...akhirnya kita tiada bekalan.

"Bagaimanapun, keputu-

san kenaikan harga yang dicapai dalam sesi libat urus itu bergantung kepada pelaksanaan beberapa strategi

lain termasuk mengimport ayam dari luar negara, sekali gus dapat menstabilkan harga ayam," katanya.

**Ketika ini
harga runcit
maksimum ayam
bulat RM9.10
sekilogram**



HARGA AYAM NAIK BULAN DEPAN

PENGGUNA perlu bersedia dengan peningkatan harga siling ayam segar dan telur sejurus Skim Harga Maksimum Keluarga Malaysia (SHMKM), tamat Februari ini.

Menteri Perdagangan dan Hal Ehwal Pengguna (KPDNHEP), Datuk Seri Alexander Nanta Linggi berkata, ia bagi mendapatkan situasi menang-menang antara pengguna dan penternak yang terpaksa menanggung peningkatan kos operasi perniagaan.

Harga siling ayam segar ketika ini ialah RM9.10 sekilogram.

7

KPDNHEP jamin
kenaikan tidak akan
bebaskan pengguna,
wujudkan situasi
menang-menang

Oleh NOR FARHANA YA'ACOB

JASIN

Rakyat negara ini perlu bersedia dengan kenaikan harga siling ayam yang dijangka berlaku awal bulan depan selepas Skim Harga Maksimum Keluarga Malaysia (SHMKM) tamat.

Menteri Perdagangan Dalam Negeri dan Hal Ehwal Pengguna (KPDNHEP), Datuk Seri Alexander Nanta Linggi berkata, kenaikan itu berikutan golongan penternak terbeban dengan pelbagai kos operasi dan harga dedak import.

Bagaimanapun, beliau berkata, kenaikan itu tidak akan membebaskan pengguna sekali gus akan mewujudkan situasi menang-menang.

Menurutnya, KPDNHEP akan mencari mekanisme terbaik termasuk melalui kerjasama dengan Kementerian Pertanian dan Industri Makanan (MAFI) untuk menstabilkan harga di peringkat peruncit serta pemborong.

"Sekarang paras harga siling ayam sehingga 4 Februari adalah RM9.10 sekilogram di peringkat peruncit, jadi semalam (Khamis) kita bincang sebab persatuan penternak mengeluh harga ternakan dan kos operasi dikatakan meningkat.

"Sebab itu saya panggil libat urus termasuk MAFI, Agrobank dan Kementerian Kewangan, kita mungkin boleh bantu mereka kurangkan beban kos operasi," katanya.

Beliau berkata demikian selepas melawat mangsa banjir di Pusat Pemindahan Sementara (PPS) Sungai Rambai di Sekolah

Harga ayam dijangka naik



Alexander (kanan) diiringi Ahli Dewan Undangan Negeri (ADUN) Sungai Rambai, Siti Faizah Abd Aziz di PPS SMK Sungai Rambai pada Jumaat.

Menengah Kebangsaan (SMK) Sungai Rambai di sini pada Jumaat.

Mengulas lanjut, beliau berkata, pada situasi sekarang harga maksimum siling ayam itu disifatkan rendah dan perlu dipertimbangkan di antara peniaga dan pengguna.

"Selain jaga pengguna, kita juga perlu menjaga peniaga kalau mereka tidak dapat teruskan operasi, mungkin kita tiada bekalan nanti.

"Kita seharusnya sensitif kepada itu dan saya guna peluang merayu kepada semua pengguna untuk sama-sama memahami situasi ini.

"Bila kita sebagai pengguna nak harga murah tapi kalau di peringkat pengeluaran mereka tak dapat keluar bekalan, kita juga akan mengalami masalah," katanya.

Jelasnya, rakyat diharapkan tidak bimbang kerana pihak ke-

menterian akan terus menjaga kepentingan pengguna selain MAFI akan mengimport ayam bulat sejuk beku.

"Tapi buat masa sekarang ia belum masuk lagi kalau dah ada mungkin bekalan dah banyak jadi persaingan mungkin berlaku dan dengan sendirinya harga mungkin boleh turun,"

katanya.

Pada Disember lalu, kerajaan mengumumkan akan membawa masuk bekalan ayam import bagi menangani masalah kekurangan bekalan ayam di pasaran.

Menteri Pertanian Dan Industri Makanan, Datuk Seri Ronald Kiandee berkata, tindakan kerajaan mengimport ayam sejuk beku dari Thailand dan China, adalah langkah intervensi sementara menunggu industri ayam tempatan kembali stabil.



ALEXANDER

BEST MECHANISM

CHICKEN, EGG PRICES TO RISE AFTER FEB 4

This to ensure a 'win-win' situation between consumer groups and farmers, says minister

AMIR MAMAT
JASIN
news@nst.com.my

PRICES of chicken and eggs are expected to increase after the Malaysian Family Maximum Price Scheme ends on Feb 4, Domestic Trade and Consumer Affairs Minister Datuk Seri Alexander Nanta Linggi said.

He said the move had to be taken to ensure that a "win-win" situation between consumers and farmers.

The price increase was decided in an engagement session between consumer groups and farmers' associations with his ministry, the Agriculture and Food Industry Ministry and Finance Ministry in Putrajaya on Thursday.

"In yesterday's (Thursday's) discussion, some farmers' associations had complained about livestock prices and operating costs, which were said to have increased, including the cost of importing chicken feed.

"Currently, the maximum retail price of a whole chicken is



The price increase for chicken and eggs has been decided in an engagement session on Thursday. FILE P/C

RM9.10 per kg and it is said to be low. Therefore, they are still considering the decision to increase the price of chicken to protect consumers and traders," he said after presenting donations to flood victims at SMK Sungai Rambai here yesterday.

Present were Sungai Rambai assemblyman Siti Faizah Abd Azis, Domestic Trade and Consumer Affairs Ministry secretary-general Datuk Seri Hasnol Zam Zam and the ministry's state director Norena Jaafar.

Following the possibility of the price hike, Nanta had called on the public to be prepared while

assuring that his ministry would continue to find the best mechanism to protect the interest of consumers, traders and breeders.

"I hope consumers would understand the complexity of this problem. It is not as easy because if farmers could not produce (more chicken), it is us who will be affected when there is no supply.

"However, the decision on the price increase reached during the engagement session will depend on the implementation of several other strategies, including importing chicken from abroad, which we believe may stabilise the chicken prices."

Peniaga terpaksa beralih
kepada minyak botol
yang lebih mahal
untuk berniaga

Oleh ENSKU SHARIFUL AZNI

SHAH ALAM

Peruncit dan pengguna minyak masak paket bersubsidi dibelenggu kersahan apabila bekalan barangan tersebut semakin sukar didapati di pasaran sejak dua bulan lalu.

Tinjauan *Sinar Harian* di kedai runcit di Seksyen 30 di sini mendapati rak yang menempatkan minyak paket bersubsidi kosong sejak beberapa hari lalu.

Penyelia sebuah pasar mini di Seksyen 30, Shah Alam, Fazilah Mohd Mukhsin berkata, premisnya mula terputus bekalan minyak masak paket sejak dua bulan lalu.

Menurutnya, sebelum ini pembekal sering menghantar bekalan sekitar 50 kotak minyak masak paket bersubsidi setiap minggu namun sehingga kini pihaknya tidak lagi menerima



Rak minyak masak paket bersubsidi di sebuah kedai runcit di Seksyen 30, Shah Alam kosong setelah terputus bekalan sejak dua bulan lalu.

stok barangan tersebut.

"Bila saya tanya kepada pembekal berkenaan kekurangan bekalan minyak paket ini, mereka kata kilang tidak mempunyai stok.

"Harga minyak masak paket ini tidak naik tapi sangat susah

nak dapat sekarang," katanya pada Jumaat.

Dalam pada itu, seorang penjual, Mohd Fauzi Aziz, 34, berkata stok bekalan minyak masak paket bersubsidi sukar diperolehi sejak sebulan lalu.



IMAM

FAZILAH

MOHD FAUZI

Dia yang menjual nasi kukus ayam berempah di Seksyen 30 terpaksa mencari dua hingga ke tiga kedai runcit untuk mendapatkan bekalan minyak tersebut.

"Dulu memang senang nak dapat di kedai runcit tetapi sejak sebulan ini ia makin kurang, sama juga seperti di pasar raya.

"Saya terpaksa mencari di beberapa kedai, tapi ikut nasiblah. Kadangkala dapat, ada masa terpaksa berebut kerana stok tidak cukup dan terhad," katanya.

Seorang lagi peniaga, Imam Bonjol, 26, berkata, dia terpaksa menggunakan minyak masak botol kerana sukar untuk mendapatkan bekalan minyak masak paket bersubsidi untuk berniaga.

Ujarnya, keputusan tersebut terpaksa dibuat setelah dia terpaksa mencari sehingga enam buah kedai runcit di sekitar Seksyen 30 walaupun mengetahui harga minyak masak botol lebih mahal berbanding minyak masak paket bersubsidi.

'Sudah dua bulan sukar dapat minyak masak paket'

 Senarai Harga Barang Keperluan	• Ayam	RM7.99	• Telur Gred A	RM12.30	• Gula Pasir	RM2.85	• Cili Merah	RM8.89
	• Daging Lembu Tempatan	RM42.99	• Ikan Kembung	RM15.99	• Bawang Besar Holland	RM2.89	• Kubis Bulat Tempatan	RM5.99
	• Daging Lembu Import	RM28	• Minyak Masak	RM6.70	• Bawang Putih	RM5.50	• Tepung Gandum	RM2.20
<i>*Harga (RM/kg) Sumber: KPONHEP</i>								